

RECOMENDACIÓN:
MAKOI OKUÁ/ OKUA MILI MINÁ OSÁ MAKOI BIKIÁ

“JÉNA RAÍCHALI KO JU ÉCHI MAPU REKÁ NIRÚILI ÉCHI VIOLACIONES A LOS DERECHOS HUMANOS A LA SALUD, AYÉNACHO A LA VIDA, A’LÍ ÉCHI INTERES SUPERIOR DE LA NIÑEZ KITIRA, ÉCHI KÓ, RA’ICHA ÉCHI VIOLACION BILÉ, VIOLACION OKUÁ, VIOLACION BIKIÁ, VIOLACION NAÓ, VIOLACION MALÍ, VIOLACION USÁNI, A’LÍ VIOLACION KICHAO KITIRA, A’LÍ AYÉNACHO COLECTIVA NIRAA, ÉCHI SALUD, A’LÍ ALIMENTACION, A’LÍ BENELÍAME, A’LÍ ‘WÉ KANILIA PERÉLIWAMI ECHO’NÁ COMUNIDAD INDIGENA RALAMULI CHOLEACHI PEREAMI, ÉCHI MUNICIPIO DE GUADALUPE Y CALVO, CHIHUAHUA”

A) MÁPU REKÁ NOKÍIRU.

Échi osá makóy bilé enárachi enero mechà, okuá míli miná osá makóy miná bilé bamíbalí, échi wi’nijíami bilé, a’lí wi’nijíami okuá, a’lí wi’nijíami bikia. Bachá wiliami a’lí upami wiliami échi siliami tradicional, mapu reká ayenacho échi comisaría policía, mapu reká jawami ju iselikami niraa echo’ná comunidad indígena ralamuli, Choleachi (okó walu sapeame aneliachi), echi Municipio de Guadalupe y Calvo, Chihuahua. Ayénacho échi wi’nijíami naó a’lí wi’nijíami malí, mapu reka ju échi iselikami yua jawárami, a’lí échi Asociación Civil Alianza Sierra Madre A.C. Échiko bela nijíli bilé osili osiruami a’mí Comisión Estatal de los Derechos Humanos, a’mí Chihuahua, echo’ná bela anili mapu échi mechá Octubre okua mili mina makói kimakói a’lí junio okua mili miná osá makói bamibachi, kichao kuchi a’lí kuruwi ralamuli, ke’mé chó malí bamibami, écho’na comunidad pereami, á bela suwila rewá échi naulí desnutrición infantil kitira, a’wé bela a ku sa’wirúami niisa reweili laro échi naulí.

A che sinéko écho’na Comisión Estatal, échi wi’nijíami bile, a’lí wi’nijíami okuá a’lí wi’nijíami bikia, echi representante jurídicos yua, á belá anili mapu a wé newalelíwa echi servicios de salud a’lí programas nutricionales. A bela ‘wé newalíwi laro echi bilé centro de recuperación nutricional, écho’na comunidad pereami kó ke sineti náriru chu iyeri nakili echi construcción, a’lí chu reka nochama, mapu reka piri namúti ‘newalé echo’na pereami, a’lí échi estándares culturales niraa.

Mapu ‘ma anirú bachá, echi osá makói mina malí, enero mechá, okua mili mina osá makói bilé, échi Comisión Estatal de los Derechos Humanos de Chihuahua, a belá rewelí échi expediente de queja, oseruami libro control taraliami, makoi. Bile. Nao. Makoi usani/ okua mili mina osa makoi bilé (10s.1.4.016/2021). We bela nateami niili echi mapu nokiiru, échi osá makoi mina kimakoi enero mecha, okua mili osa makoi bile bamibali, échi Comisión Estatal semerili bile kopia jena’í Organismo Nacional

Mapu reká ko jéna raíchali ko wé nateami niili, wé chareka karúa niiliachi pereili échi kuuchi ralamuli echi Choleachi comunidad. Échi raíchali ko belá ‘wé nateami niili, kiti bela wé a nejeili echi Entidad Federativa, wé bela nejeili echi opinión pública nacional, jepuná organismo Nacional, mapu reká aní échi artículo usani, fracción makoi usani, echi Ley de la Comisión Nacional de los Derechos Humanos, a’lí ácho makoi naó échi reglamento Interno, aniká nokiiru echi osá makói miná naó febrero mechá enarachi, okuá mili osá makói bile bamibali, a belá chotába jéna expediente de queja kitira.

RECOMENDACIÓN:
MAKOI OKUÁ/OKUÁ MILI MINÁ OSÁ MAKOI BIKIÁ
-OKUÁ-

a. Chú reká niili échi victima bilé kitira

Victima bilé ko niili bilé ta tewé ralamuli, a mi Sitanachi aneliachi beteami, échi comunidad ralamuli Choléachi aneliachi.

Échi osá makoi miná bilé enarachi rawewali, mechá febrero, okua mili mina makoi usani bamibali, Échi entrevistado naó, promotor indígena comunitario, 'wé táli echi nikuruwami, mapu reka siméa echi personal medico echo'ná Sitanachi aneliachi, mapu reká échiko e'nema échi kuuchi, chu me nayuami ka "usani bela niili échi kuuchi wé nayuami", echiriká bela jonsa raicharu echi Programa Chihuahua Crece nochami yua.

Échi osá makoi miná bile enarachi rawewali, mecha febrero, okua mili mina makoi usani bamibali, 'ma a omerali bayea échi autoridades de la jurisdicción Sanitaria bikiá, we bela simibali échi equipo de salud niruami échoná Unidad Medica Movil de Tejamáni a mi Sitanachi aneliachi.

Échi osa makoi mina bikia rawé, mecha febrero, echiyenachó bamibáchi, echi taa tewé ko 'má bachaaru echo'ná Hospital General bilé, a'lí bikiá enarachi mecha abril, echo'ná hospitalchi 'nochami, ma belá aneli echi equipo Chihuahua Crece Contigo, mapu 'má mukuli, mapu a'li kulí bilé bamibami niili, pe owia boiká bela ariká mukuli échi taa, desnutricion aguda-moderada a'lí infección respiratoria 'niwami niili.

b. Chú reká niili échi victima okuá kitira.

Échi wi'nijiámi bilé, wi'nijiámi okuá, wi'nijiámi bikiá, wi'nijiámi naó a'lí wi'nijiámi malí, anili mapu Victima okuá, niili bilé taa tewe okuá bamibami miná bikiá mechéami, ralamuli bela niili 'mí Batayéchi aneliachi beteami, échi Choleachi niruami (okó walú sapeami) Municipio Guadalupe y Calvo.

Échi sabtko osá makoi miná osa naó rawé, mechá septiembre okuá mili miná makoi kimakói bamibali, makói naó hora, échi entrevistartami Promotor Indigena Comunitario de Salud, anéli teléfono ti raíchaka, échi Programa de Salud Chihuahua Crece nochami, mapu échi taa tewé olali échi edema bilateral a`li kee kalá omériwa owia, 'ma belá tali echi nikuruwami, kiti sapúka e'nepa a'lí sapú nijulaba echi equipo de salud, kiti e'nema échi nayuami.

Bikiása makoi minuto simirisa kó, échi Programa Chihuahua Crece nochami, raíchali a'mí Hospital General bilé, a'lí 'má tali bile equipo de salud, kiti simibika e'nema échi nayuami.

Échi omeachi osá makói miná makói kima rawé, septiembre mechá, okuá mili miná makói kima bamibali, makói okuá hora enarachi, échi Direccion del Hospital General bilé, aneli échi Chihuahua Crece nochami, mapu ké omerali bile toroka nijula, mapu o'ná toboa échi equipo medico a'mí Choleachi, échi kó bela anili mapu náripa áche nirua echo'ná comunidad bilé rejoi toroka bukéami, ali gasolina a'lí bilé méelami mapu a omero echi nayuami toa. Ma bela a ikiili mapu echo'ná comunidad, ke niruili échi mapu taniwa.

RECOMENDACIÓN:
MAKOI OKUÁ/OKUÁ MILI MINÁ OSÁ MAKOI MINÁ BIKIÁ
-BIKIÁ-

Échi lunsiko besá makoi inárachi mechá septiembre, okuá mili miná makoi kíma, échi kimakói miná malisa makoi hora, échi Chihuahua Crece nochami, raíchali telefonochi echi autoridades de la Jurisdicción Sanitaria bikiá (Hidalgo del Parral wiliame), echiriká ruyea, a`li a wé tanili echi equipo médico, kiti comunidad siméa. Mapu a`lí echiriká nokowaachi ko échi taa tewé ke bela bajili ba`wí, ke ko`áli, a`li `má ke me nokoká isimí. Échi rawé ko, `má nasipa rewe kaachi échi jurisdicción, aneli echi Chihuahua Crece nochami, mapu `má bile equipo médico `má boichimi juma en`emia échi nayuami.

Échi miércoles okua enarachi mechá octubre, okuá mili mina makoi kima bamibali, Entrevistado naó, promotor Indígena Comunitario de Salud, `má naó rawe simarisa ko, a`li que bilé wési nolina kó e`nemia échi taa tewé nayuami, a`lí échiko minabi `wé nayusili, ma bela táli nikuruwami echo`ná Asociación Civil Alianza Sierra Madre A.C, échi Asociación ko raíchali wé ruyea WhatsApp kitira echi Gobernador del Estado (Javier Corral Jurado).

Mapu reká échi autoridades del Estado de Chihuahua ke bilé nakurnali, échi bikia rawe mecha octubre, okua mili mina makoi kima, echi taa nayuami reteemala aboi ikiika toli a`mí Hospital Rural IMSS-PROSPERA Guachochi niruami. Ne bela okua rawe nokoka ju wichí simibika, `né barranca Sinforosa simarika ju.

Echi jueves bikia inarachi mechá octubre, okua mili miná makoi kima bamibali, `má mulipi makoi okua hora kaachi, `ma bela nawali echi comunidad Choleachi, échi Unidad Médica Movil Caravana Mesa del Durazno, échiko bela anili mapu ke tási rewáli échi taa nayuami, echijosnsa ko echi Chihuahua Crece nochami, má simibali wé asia echi maana Centro de Salud, mapu échi Choleachi pereami oami ju.

Échi makoi bile enarachi, mecha octubre, `ma bela bacháaru echoná Hospital Rural Guachochi niruami, a`lí che sine ko, échi makoi naó rawé, echiyenacho mechá, `ma bela tóoru a`mí Hospital Rural del IMSS-BIENESTAR a`mi Valle de Allende, a`lí `mí jueves makoi kichao enarachi mecha octubre, échi Chihuahua Crece Contigo nochami, `má ruyeru mapu `má mukuli échi taa, desnutrición severa nayuka, echiriká ikili `mi Hospital General okuá.

c. Chú reká niili échi victima bikiá kitira.

Victima bikiá ko, bile towi ralamuli niili, beteami a`mí Arroyo del Manzano aneliachi, comunidad indígena Choleachi (oko walu sapeame), Municipio de Guadalupe y Calvo.

Échi kó mukuli echo`ná Hospital General bilé, échi paro cardiorrespiratorio kitira, échi osa makoi mina makoi kima enarachi, mechá octubre, okua mili mina makoi kimakoi bamibali, pe usani bela michéami niili, `má bela óa bo`iká chikili desnutrición kitira, a`lí choque hipovolémico a`li a wecho mayewa échi sepsis kitira.

RECOMENDACIÓN:
MAKOI OKUÁ/OKUÁ MILI MINÁ OSÁ MAKOI OKUÁ
-NAÓ-

d. Chú reká niili échi victima naó kitira.

Victima naó, échiko niili taa tewé ralamuli, beteami a'mí Terreros aneliachi, comunidad indigena echi Choleachi (okó walú sapeami aneliame), municipio Guadalupe y calvo

Échi besá makoi minà bilé rawè enarachi, mechá octubre, okua mili miná makoi kíma, a belá 'yáaru bilé consulta médica, a bela nijili échi Unidad Medica Movil Caravana Cumbres del Durazno, échi ko belá machili mapu 'niwali "desnutrición moderada, a'lí witabuwali", á belá tóoru a'mí Hospital General bilé.

Échi bikia rawé, mechá noviembre, okua mili miná makoi kíma bamibáli, 'má bela tóoru a'mí Hospital General bilé, a'lí ayenacho a'mí Hospital General okuá. Échi taa kó 'ma mukuli echo'na Hospital okuá. Échi naó rawé enarachi, mechá noviembre, okua mili miná makoi kíma bamibali, mapu a'lí kulí okua bamibami niili a'lí usani mechéami, 'má belá owia boikà chikili nayuka echi desnutrición aguda- severa, a'lí bronconeumonía, a'lí gastrointestinal aguda, a'li deshidratación síí.

e. Chú reká niili échi victima malí kitira.

Échi osá makoi rawé enarachi, mechá febrero, okua mili mina osa makoi bamibali, échi Chihuahua Crece nóchami, anéli échi Direccion de la Asociacion Civil Alianza Sierra Madre, mapu échi Victima malí, 'má mukuli, échiko niili bile ta towi ralamuli mapu beteili echo'na Sitanachi aneliachi, comunidad indígena Choleachi.

Échi mapu aníiru, échi osá makoi miná bilé rawé enarachi, mechá febrero, okua mili miná osá makoi bamíbali, èchi entrevistado naó Promotor Indígena Comunitario, 'wé tanili échi nikuruwami a'mí Asociacion Civil Sierra Madre, 'wé bela tanili mapu reká simea echi personal medico, echo'ná Sitanachi, kiti e'nema chu me nayuami ka échi "usani kuruwi we nayuami", échi kiti bela echi Asociacion ko ra'íchali Programa Chihuahua Crece Contigo nochami yua.

Échi osá makoi miná okuá rawé enarachi, mechá febrero, okua mili miná osá makoi bamibali, 'ma á omeali, a wé nakúrika nokali echi autoridades de la jurisdicción sanitaria bikiá, ayenacho 'ma simibali echi equipo de salud adscrito a la Unidd Medica Movil de Tejamanil. Échi sineami ko bela kulí siachi, 'má ruyeru mapu 'ma mukuli échi taa towi, "bikia hora bachariko", échiko bela makoi micheami niili, a bela aníiru mapu mayewa jepu neumonía kitira mukuli.

f. Chú reká niili échi victima usani kitira.

Victima usani, échico niili bilé towí ralamuli, Mesa de los Pinos beteami, comunidad indígena Choleachi.



RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIÁ
-MALÍ-

Échi makoi kima rawé enarachi, mechá mayo, okua mili miná okua bamibali, échi Promotora Indígena Comunitaria, ‘wé tanili échi Equipo del Programa Chihuahua crece, kiti échiko julama personal medico, kiti e’nema échi ta ‘múchi nayuami, pe kulí okua micheami, ke belá a’la omerami niili iwíá échi ko.

Échi Chihuahua Crece nochami ko, aneli echi Centro Regulador de Urgencias Médicas de Chihuahua (CRUM), a’lí echiriká ko belá ‘ma omeali jula échi Equipo Sanitario, niruami echo’ná Unidad Rural Corre Coyote, a’lí échi osá makoi rawe enarachi, mechá mayo, ‘má makoi malí hora kaachi, échi equipo ‘má i’neli chu ‘me nayuami ka échi taa, a’li ma tóoru a’mí Hospital General bilé, ‘má bela aniiru, mapu mayewa mapu “neumonía ‘niwi”.

Échi osá makoi miná bile rawé enarachi, mechá mayo, okua mili miná osa makoi bamibali, échi taa towí ko ‘ma mukuli, mapu a’lí ‘má intubación niwíiliachi, kiti ku a’la niima, echiriká olasa ko bela ‘ma toboa reweili a’mi Ciudad Chihuahua, mapu a’li kuli okua mecheami niili.

g. Chú reká niili échi victima kichao kitira.

Victima kichao ko niili bile ta tewé ralamuli, echi choleachi beteami, échi ko bela mukuli échi binoi betelachi, makoi kichao rawé enarachi, mechá junio, okua mili miná osá makoi bamibachi, ke bela ‘wesi ówali echikó, ke bela ‘me che i’kiiru echi kitira kò, chú reká niili.

Echirika bela mapu reká ni kulipi aní, jepuna Organismo Nacional ko e’neli échi expediente Comisión Nacional de los Derechos Humanos/naó/okuá mili miná osá makoi bilé/bilé mili naó sientu bikiá échi wi’nijíami kitira; echiriká ko a’la narika i’kima, chu riká nokiira a’lí we ala i’kima ache niruila echi violaciones a los derechos humanos, a wé bela tanili échi i’kiiwami raíchali, oseli ma kere, échi autoridades mapu responsables niili, ‘wè bela a énali i’kiya, a bela we ikili echi personal medico kitira ko, échi copia expediente clínico Víctima okuá kitira, Víctima bikia kitira, Víctima naó kitira, a’lí Víctima usani kitira, mapu niruami niili a ‘mí Hospital General bilé, a’lí a jarecho Centro Medico, a’lí a jarecho osiruami, echi lógico-jurídica ko, wé bela a’lá e’neka benéka nima re echo’ná capitulo observaciones a’lí análisis de las pruebas, jepuná Recomendación kitira.

B) DERECHOS HUMANOS KÉ NEJEITAMI

Ke nejeitami echi derecho humano a la salud, ke nejeitami echi salud sineami Víctima bilé kitira a’mí Víctima kichao nawaká, jepi riká a kecho nejeitami echi sineami comunidad indígena Choleachi pereami échi salud kitira.

Mapu reká ju echi material probatorio mapu napabuli échi Organismo Nacional, simibika a’mí mapu nokíiru echiriká nokowami, échi evaluación pericial, a’lí mapu reká anili cho echi autoridades mapu reká ju a we mayeliwami mapu ke a’lá wichíwika nijli raíchali, á bela a la machiiru mapu weká niili echi jawami mapu ke a’la ruli échi raichali, ke belá nejeili echi derechos humanos, echi comunidad ralamuli Choreachi niruami, municipio Guadalupe y Calvo, Chihuahua. Ke a’lá mi nejewa nokali simiba échi nayuami owia, amí choleachi. A bela aní chú reka niili:

RECOMENDACIÓN:
MAKOI OKUÁ/ OKUÁ MILI MINÁ OSÁ MAKOIBIKIÁ
-USANI-

Disponibilidad a'lí accesibilidad échi servicios de salud kitira.

Mapu reká nijili échi ra'íchali échi Secretaría de Salud, a'lí mapu riwíiru a'mí comunidad, echo'ná ko ké bela bile niru mapu o'nà oméa nayuami sinibi. A bela anili echi autoridad mapu piri ola ke niru bileana onialachi, we bela bacha a'lá kaenaba rewa echi planeación aneliame, kiti echiriká ko a omeripa bileana oniliachi newaa.

Échi ámbito interamericano e internacional ko, á bela aní, mapu echi Convencion Americana, échi derecho humano niraa, échi articulo osá makoi mina usani, aní mapu a 'wé nijeyama re echi Estados echi nikuiriliami, a'lí ayenacho aní mapu echi Estado **ju mapu we a'la iwera nikurima, a'lí echiriká a la garantizama echi protección de la salud**, échijonsa ko échi Pacto Internacional de Derechos Económicos, Sociales a'li Culturales, echi articulo makoi okua, aní mapu Estados we newama re échi mapu o'ná sineami ralamuli simama owáami tasia, ayenacho a onisia a we reka nayusa ko.

Échi Centro de Salud mulibé wiliame Choleachi jonsa ko ju echi Corre Coyote aneliwame, bikia bela hora ju torokachi simiká ko. Mapu reká a checho a minabi we nayuami niisuwa ka, a belá nirù Hospital General bilé, 'né bela malí hora isika ju torokachi simika ko.

A belá 'wé nateami ju checho ku a'lá nejeika mapu aní echi Corte Interamericana de Derechos Humanos, échiko anili mapu échi Declaracion Americana we a a'lá machí échi articulo makoi bilé, mapu sineami ralamuli we 'niwi échi derecho, mapu a'li nayusa ko 'wé 'niwima medidas sanitarias a'li sociales, ayenacho asistencia médica, a wé bela onisa ré mapu jonsa seba èchi recursos publicos a'li échi comunidad pereami si. Echirika ko échi articulo makoi, protocolo San Salvador aniala, échi ko aní mapu echi Estados we omerika onima échi sineami naulí we chati, mapu reka échi naulí endémicas, profesionales, **a'li a jarecho, a'li " kiti echiriká a we kanilika owimia echi mapu we nayuami ju, a'li a yenacho echi ralamuli mapu we resoarika pereami ju.**

Mapu riká a wé wichiipa mapu a wé a'la nikurami ju échi servicio medico kitira echo'ná comunidad Choleachi, échi autoridad ko anili mapu ke siné awéni riweli echo'ná pereami, 'wé bela a alíwa servicios de atención médica, échi Programa de Fortalecimiento a la Atencion Medica (Unidades Moviles) aneliame kitira.

Najó nalí, ke tasi echiriká niila rewá, kiti ko échi pruebas mapu échi organismo Nacional napabúli ke echiriká ania rewá. A belá mapu a'li échi Organismo Nacional 'nochami simibali a'mí comunidad, **a bela 'wé ikiili mapu a jaré rawé ke bilé niruili échi servicio médico**, a bela echo'ná comunidad pereami a wecho a anili mapu a wé nakiwá bileana onialachi, kiti échiko a sinibí rawé erapka wiliméa, a'li echirika ko a we onika jaripo. Mapu reká échi kichao kuchi a'li kuruwi suwili ko, échi comité ko anili mapu ke siné niruili échi Unidad Movil echo'ná comunidad, échi kiti bela que a'lá onia nokiiru alé échi suwaba kuuchi mapu suwili pa.



RECOMENDACIÓN:
MAKOI OKUÁ/OKUÁ MILI MINÁ OSÁ MAKOI BIKIÁ
-KICHAO-

Mapu reká échi Servicios de Salud a'mí comunidad Choleachi niruami ko, a bela ala anisá re mapu reka aní échi capitulo correspondiente, a bela aní mapu ke ala nakurika nokiiru echoná Choleachi. Échi kiti bela echi sineami echo'ná comunidad pereami, a'lí kúchi, kúruwi a'lí témali (NNA), ala simama naremia Servicios de Salud, a sineami chopi riká nateami niráa, pe okuáa bela kelaro a jarecho grupo kitira jená población del Estado de Chihuahua pereami.

Echi jonsa ko échi autoridades a bela 'wé a'lá anisá reweili mapu échi comunidad wé a'lá simama onisia echo'ná servicio de salud, we a'lá anarika nateami niraa.

Échi Corte Interamericana de Derechos Humanos ko bela aní mapu échi derecho ala igualdad a'lí ke discriminación olá okua ra'íchali: Bilé ko ju mapu rika aní mapu ke nakiluwa mapu ti a chopi rika nateami ju, a bilecho ko we a'lá ju, echi ko bela ra'ícha échi obligación de los Estados kitira, échi ko bela a sineami pagotami a we nateami nirasa re, a sineami ku'irisa re ke namó aneká. Echirika ko bela a ku'irisa re a sineami pereami, **mapu ke bilé a'lá ku'iruwami ju, sineami bela ala 'níwisa re echi servicios médicos de salud, a'lá anarika nateami niraa.**

'Má e'nesa ko échi comunidad, a'lí 'má newasa échi entrevista a jaré ralamuli echo'ná pereami yua, 'ma bela a anisá re mapu échi unidad móvil, mapu échi autoridades juali a chi'mí comunidad, **mapu ke wikabésa nejeaka simíbali, ke a'lá onili échi nayuami a'lí ke sebili ju mapu rika a sineami naulí onipa, a'lí ke bela niji cho échi servicio de prevención, detección, curación a'li rehabilitación, échi nauli kuuchi 'níwala, desnutrición aneliame.**

Jéna ko bela ke a'lá nejeila rewá échi criterios, mapu reká a nirú échi accesibilidad, échi goce del Derecho Humano a la salud kitira, échi comunidad Choleachi, échi servicio ko ke bela mulipi nirú, a jareana ko ke bela omerika jú simiba, mapu riká ma aní jéna ra'íchali, ke bela nirú bileana we a'la onliachi mapu simaba onisia, a'li échi unidad móvil mapu jularami niili ko, ke bela a'la seballi nikuura, a'lí ke 'mé a'lá ju maa.

Échi Suprema Corte de Justicia de la Nación, pé mi mayea nilia kó, anili mapu echi autoridades del Estado, mapu ne chirika nularami ju, we bela a garantizarma rewa échi derecho humano a la salud, 'wé bela sinibi enisa reka rewa, e'nenia ache naumi perea ralamuli, a'li onia echi mapu nayuami ju, **a we sapuka nira, a'li a sinibi nira.**

Echo'ná comunidad ko, ke bela nirú atención médica échi umukí ropeami kitira, mapu reká vigilancia a'lí manejo individual échi ropala kitira (atención prenatal aneliame), 'má ranelima rekaachi bilé, keecho, a'li èchi control taa kulí nawami kitira kecho. Ke cho bela bilé nirú échi mecanismo de prevención, a'lí control échi nauli witabualiami kitira, a'li échi ro'sówali ma, a'lí échi control de nutrición, a'lí échi vigilancia mapu reká kulí ochersimi échi kuchi, a'lí kuruwi ke'mé cho malí bamibami.

RECOMENDACIÓN:
MAKOI OKUA/ OKUÁ MILI MINÁ OSÁ MAKOI BIKIÁ
-OSÁ NAÓ-

Échi ke niruachi bile servicio medico permanente, mapu reka nirulisa échi emergencias médicas, mapu reká ‘we sapu towámi niisa bile nayuami a bileanachó, pe bela suwimea echirika niisa ko, mapu rika ikili échi kichao kuuchi, mapu jena’í aniwá, achecho a pe bachami a ra’ichabo ale jeriká aniwami kitira ko.

Nali jepuná Organismo Nacional ke bela ke’me kanilia ru mapu reká newáaru échi kalí “casa de la salud aneliame”, pe bela okochiala bi kariwa a’li échi Unidades Móvil pe riyoksi isili echi’ mí comunidad, ke bela niji échi atención permanente, echiriká bela aní echo’ná comunidad pereami, échi casa de salud aneliame, pe mapu a’lí échi personal de salud bi isili erapta iwilíli, mapu a’lí ke isili kó ‘ne kantado kiti erika iwili.

Échi makoi kichao marzo mechá, okua mili miná osá makoi miná okua bamibali, échi Gobierno del Estado, nijuali bilé ra’ichali echo’ná página electrónico oficial, echo’ná ko bela jeanili: a najatika ko échi Plan Estatal de Desarrollo, kiti ‘ne a’la anibóa mapu échi comunidad ‘we meka a’li ‘wé cha rekaachi niruami a wé cho ‘niwima echi servicio de salud digno a’lí funcional, échi Gobierno del Estado de Chihuahua a’li aneká échi Secretarias de Salud a’lí Desarrollo Humano a’lí Bien Comun, ‘má ‘wé nocharili échi Centro de Salud échi Choleachi, municipio de Guadalupe y Calvo. **A belá aniiru mapu jepuná espacio medico a sinibi consultarima a sineami ralamuli echo’ná mulibé pereami, ‘we bela mika simibika oniami niili, ‘ne bela usani a’li osa naò hora nokoka siami niili atención medica naréa**

Mapu a’lí simibali kó basalowia, mechá junio, okua mili miná osa makoi okua bamibali enarachi echi ‘mí comunidad Choleachi, ‘ma bela a i’kiliru mapu riwiru bile establecimiento aneliame “Centro de Salud”, échi ko ‘we érita wilili, (‘né karrena a’li kantado bucheká), a’lí échi bile profesional de salud si enarali, a’li échi anili mapu ke omerali bakia pachá, a’li échi kitira belá ke a’là i’kiiru áche ‘we a’la ju echi infraestructura a’li échi equipamiento mapu riká a’lá nijiba echi atención medica a sineami mapu echiriká ‘newale, mapu reka aní échi Norma Oficial Mexicana, échi ko bela aní mapu chu reká niisa re echi infraestructura a’lí piri ‘niwisa re échi equipamiento kiti a’là nijima atención medica échi nayuami énachí.

Nejéiwami échi servicios de salud

Jepuná ra’ichali kitira ko, jéna Organismo Nacional, a bela we a’lá ko ru mapu reká échi Estado de Chihuahua a we iwerika nokali nocharia échi Programa de Atención Médica, échi CERENAM newarachi, a’lí échi Casa de Salud echo’na comunidad Choleachi. Najó nali ke ‘mé ala juku, checho a minabi a we iwerika nokoka nochaka nakí, je na’í comunidad ko a we nirú a biji échi desnutrición kuuchi ‘niwala, a kecho bela riwiiru echi estrategia mapu chú reká ‘nochali. Mapu a’li newáaru ko échi programas a’li échi Unidades de Atención, échi comunidad ko ké bela bilé nariru mapu a’lí newáaru echi establecimiento.

RECOMENDACIÓN:
MAKOI OKUA/OKUÁ MILI MINÁ OSÁ MAKOI BIKIÁ
-KIMA-

Échi artículo bilé sientu miná malisa makoi mina malí, échi Constitución de Chihuahua ‘niwala, a’ní mapu échi servicio de salud, mapu échi Estado nijí echo’ná pueblos indígenas, a **sineami ka natuika niima rewa, ralamuli nira ku ra’ichika, ayenacho a’la ku i’kiirika echi sistema medico tradicional, a’lí ayenacho chu reká newá aboi échi organización social, económica, cultural a’lí política.**

Échi kiti bela mapu reka newa échi plan a’lí acciones échi Estado, ‘echi comunidad Choleachi kitira, a a’là sineami chopi rika. A bela a’la dialogo intercultural bacha niisa reka rewá, a’lá natuika échi comunidad pereami yua, ke belá aweni nokosá reká rewá, a’lá belá nateami neráka kariwa échi comunidad.

Jepu’ná Organismo Nacional ‘nochami kó , a belá napabúli échi evidencia, echikona ko bela aní mapu a weká namuti ke a’lá niila rewá jená Recomendación, échi autoridades del Estado de Chihuahua ko ke a’lá wachina nejeika nokala rewá échi comunidad indígena Choleachi kiitira, chá olala rewá échi derechos humanos mapu reka ju échi Victima bilé, Victima okuá, Victima bikiá, Victima naó, Victima malí, Victima usani a’lí Victima kicháo ‘niwala, ke bela isimipali, a’li ke a’lá nejeika nikurili échi servicios médicos kitira, a’lí kecho niruili échi registro, a’lí control, a’li seguimiento échi desnutrición kuuchi ralamuli echo’ná pereami kitira. Jé bela anili aboi ko:

a) Échi comunidad Choleachi ko ke belá ‘niwi bileana kalirli mapu a sinibì nirulima atención médica.

b) Échi servicio que belá mulibé nirú, ‘wé bela ‘nochali ju simalia nayuami toa.

c) Échi unidad móvil mapu jularami niiliko, ke bela a’lá niili.

d) Ke bela ‘néwa reweili mapu échi estrategia a we a’lá niili, kiti ko mapu a’li newáaru échi programa a’lí unidades de atención, échi ralamuli echo’ná pereami ko ke belá bilé nariru, ke bela i’kía énali échiko, ayenacho mapu a’lí newáaru échi establecimiento, ke bela bile nariru echi ralamuli echo’ná pereami.

Échi kiti bela aniwá mapu échi autoridades responsables, institucional neráa, ke bela a’lá nejeila rewá mapu aní échi articulo naó Constitución Política de los Estados Unidos Mexicanos; osá makoi naó échi Convencion Sobre los Derechos del Niño; mapu reká aníru echo’ná Ley General de la Salud, mapu reká a’lá nikurisa re nijia échi atención médica; a’lí échi articulo naó a’lí bilé sientu miná malisa makoi miná malí, échi Constitución Política del Estado de Chihuahua.

Échi derecho humano a la vida

Échi derecho fundamental ala vida ko chukú echo’ná párrafo okua, échi articulo osá makoi miná kima, écho’ná Constitución Política de los Estados Unidos Mexicanos, échi Estado bela ju mapu instituciones i’kiirika, mapu a’là respetarima, tibuma, a’là nejeima a’li a’là ikiirima aboi.



RECOMENDACIÓN:
MAKOI OKUÁ/OKUÁ MILI MINÁ OSÁ MAKOI BIKIÁ
-MAKOI-

Ayénacho belá chukú echo'na articulo usani punto bilé, échi Pacto Internacional de Derecho Civiles a'lí Politicos; ayénacho naó punto bilé échi Convencion Americana sobre Derechos Humanos; ayénacho bikiála échi Declaracion Universal de Derechos Humanos; ayenacho bilé échi Declaracion Americana de los Derechos y Deberes del Hombre, ayenacho échi naó a'lí usani punto bilè échi Convencion sobre los Derechos del Niño.

Jéna Comité de los Derechos del Niño, jepu'ná e'nela ru échi Observacion General, número makoi malí, aní mapu échi Convencion sobre los Derechos del Niño, "échi articulo usáni aní mapu 'wé obligación ju échi Estado kitira mapu a'lá garantizarma echi supervivencia, ayenacho kiti 'wé a'là ocherima échi kuruwi, jepu riká échi dimensiones físicas, espirituales a'lí sociales de su desarrollo. A bela aniboa mapu weká niru échi riesgos a'li ayenacho mapu aní chú reká a'lá tibusa re échi vida, a'lí supervivencia, a'li échi ochéruwami échi kuruwi kitira, a'lí echiriká ko we uchábo échi practica intervenciones de base empírica, kiti ko a wé bachami isisima échi trayectoria vital kitira.

Ke a'lá nejeitami échi derecho humano a la vida échi Victima bilé a'lí a'mí Victima kichao nawaká kitira

Jéna Comité de Derechos del Niño de Naciones Unidas, échi observación General numero kicháo, échi Realizacion de los Derechos del Niño, échi primera infancia niraa, echo'ná párrafo makoi, jeriká aní; échi articulo usani, échi Convencion de los Derechos del Niño, aní mapu échi Derecho de la Niñez a la vida a'lí obligación de los Estados, **'we bela iwerika garantizarma rewá échi supervivencia a'lí desarrollo del niño.**

Jéna Comité, echo'ná observación General número makoi malí, échiko bela raícha échi Derecho kitira, mapu échi kuruwi 'wé a'lá kanilika 'niwima échi salud, ayénacho bela aní mapu échi kuruwi 'niwi échi Derecho a servicios sanitarios de calidad, ayenacho servicio de prevención, promoción, tratamiento, rehabilitación a'lí atención paliativa. Écho'ná sanidad primaria kó, 'we bela nijisa re échi servicio en cantidad a'lí calidad wekabé nira, échiko bela 'wé a'lá funcionales a'lí aceptables niima si'neámi kiitira a'lí a mulipi muchísa ree, mapu rika físico a'lí financiero nira, échi su'má sectores población infantil niruachi.

Jéna articulo osá makoi miná naó, échi Convencion de los Derechos del Niño, aní mapu échi kuruwi a'lí kuchi we 'niwi echi derecho, mapu reka 'we kanilika a'li repabé nira 'niwima échi salud a'lí echi servicio mapu reká owimá échi naulí a'lí ayenachó rehabilitación.

Jéna Convencion Americana sobre Derechos Humanos, echo'ná articulo osa makoi miná usani, aní mapu échi Estado we 'niwi obligatoriedad, mapu reká 'wé áama échi cumplimiento progresivo, **a'lí ayenachó aní mapu échi Estado ju mapu 'wé suwaba recurso 'neema re, kiti a'lá garantizarma échi Derecho a la protección de la salud,** échi Pacto Internacional de Derechos Economicos, Sociales y Culturales, echo'ná articulo makoi okua, aní mapu échi Estados echo'ná pacto, mapu 'niwi obligación mapu kiti 'wé a'lá 'niwima échi asistencia médica sineami pereami, a'li ayenacho échi servicios médicos mapu reká 'wé nayusa ko.

SÍNTESIS

RECOMENDACIÓN:
MAKOI OKUÁ/OKUÁ MILI MINÁ OSÁ MAKOI BIKIÁ
-MAKOI BILÉ-

Derecho a la Salud nira ko, aní mapu 'wé obligación 'niwi échi autoridades del Estado, kiti ko échi suwaba kuchi a'lí kuruwi 'wé 'niwima échi servicios sanitarios a'lí a jarecho servicios si, mapu reká a'mí jareana 'wé ná rikaachi pereami a'lí poblo we risoarika pereiliwachi.

Mapu aní échi observacion kichao, 'wé bela anelia échi Estados kiti we iwerili olama minabi we a'lá newaa échi atención perinatal échi 'muchi a'lí iyela si 'níwala, echiriká minabi 'wé sayérika minabi taa newaba échi mortalidad de lactantes a'lí mortalidad infantil, a'lí newaba mapu reká 'wé kanilia ocherima échi sineami kuruwi kuuchi.

Mapu reká ju échi interpretación mapu 'má aniruami ju échi disposiciones kitira, a belá aní mapu jéna derecho a 'niwi bilé contenido normativo mapu okuá naturaleza ola, a bela ani mapu échi Estado ke respetari échi vida, échi prohibición de su privación arbitraria nira ko, mapu reká ayénacho aní mapu 'wé 'niwi bilé deber positivo, echiriká ko belá a'lá nirulima échi proteger a'lí preservar el derecho ala vida mapu echi'mí mulipi pereami ju.

Jéna Corte Interamericana de Derechos Humanos ko bela aní mapu échi derecho ala vida a'lí integridad personal 'né napawika siro échi atención a la salud humana yua. Échi kiti bela échi protección del derecho ala integridad personal a'lá e'nema échi servicio de salud, ayenachó 'wé a'la tibusima kiti a'la niima karika échi.

Échi corte ko bela a anícho mapu échi estado a newáma échi medidas positivas, kiti a'lá tibupa échi sineami ralamuli a'lí ala machiká nijima échi servicios de atención a la salud a'lí 'né machiboa kiti échi profesionales 'né a'lá nochama, kiti a'lá tibuma échi nayuami.

Jepuná ra'icháliami ko, a bela aní mapu ke nirú échi registro a'lí seguimiento a'lí atención médica, ke bela nirúa rewá piri kiti simama, a'li ke 'me a'lá nejeika simibami karewa échi atención médica nijisia. Échi kitira bela échi kuchi a'lí kuruwi desnutrición 'niwami, 'má 'né simirika we nayusa ká, pe belá aboy retemala toa rewá a'mí Centro de Salud Corre Coyote aneliachi, 'ne bikia hora bela karewa torokachi simibika ko, echo'ná comunidad ko ke bela nirú bileana mapu sinibí nirulima échi servicio médico, a'lí échi atención de las unidades móviles ko ke bela 'me ala sebaria rewa nikura.

Échi mápu kichao kúchi a'lí kúruwi suwili kó, échi desnutrición infantil kitira, échi Programa Chihuahua Crece Contigo, a bela nejeali echo'ná aboi informe, mapu ké nijíru atención médica échi sineami kuuchi kiitira, mapu a'lí nayuli ko échi kuuchi, ké belá olali échi brigada medica mapu simibami niili echo'ná comunidad.

Ayénacho mapu reká anili échi autoridad, pe okuabi bela kúchi a'li kúruwi a 'níwami niila rewá échi programas preventivos (víctima okua a'lí víctima naó), mapu reká a 'wé vacunariwami ju échi kulí ochérsiachi, mapu reka a wé consulta medico toká ju tu.

SÍNTESIS

RECOMENDACION:

**MAKOI OKUÁ/OKUÁ MILI MINÁ OSÁ MAKOI BIKIÁ
-MAKOI OKUÁ-**

Echiriká ko ke belá bilé chinokaami ju a biji échi ralamuli, ne belá weká kúchi a'lí kuruwi échi comunidad Choleachi pereami mapu unidad medica jepuna Organismo Nacional niruami e'neli échi mechá junio okua bamibali mina osa makoi okua, ké belá bilé vacunartami niili, a'lí échi cartilla de vacunacion ko ke bela a'lá niili, ke a'lá wichiwika anili echo'ná osiruami, a'lí ke bela bilé newali bilé control nutricional, a'li ke bilé de salud a'lí a wiká a wé 'níwami niili échi desnutrición.

Ke belá bilé nirú bilé censo a'li registro mapu a'lá animea échi prevención kiitira, a'li detección, a'li curación a'li rehabilitación de la salud infantil de la población, mapu reká échi desnutrición niisa kó, 'má bela a'lá i'kiirami ju echona bacha párrafo, mapu échi nayuami ke a'lá ówiru echi desnutrición kitira, mapu a'lí 'má a simiali ko ówisia ma bela we simirika nayuami niili, echi kiiti bela a ariká suwili.

Mapu kulipi aniruami juko, échi autoridad 'wé a iwerika aninali " a belá mayewa mapu jaré échi kuuchi 'wenuala a'we jiyaka yurnali onimia échi kuchi mapu a'lí a 'wé 'omóchili échi unidad medica móvil, a'lí a jarecho ko ke echiriká nokaami niili, mapu reká weká ke belá 'niwami niili échi esquema de vacunación, échi kiiti bela ke bilé owiami niili, kiti bela ke bilé machiwami niili échi personal de salud kitira, mapu reká a 'wé toboa échi control de salud.

Mapu a'lí a 'wé nirú ko échi responsabilidad , échi kuuchi retemala kitira, échi atención médica kitira, a'lí mapu reká i'kiiliru, écho'ná comunidad Choleachi ke nirú disponibilidad échi servicios de Salud kitira, échi kiti bela a bilé taa nayusa ko pe bitichí a ripi, buyea échi Unidad Médica Movil, a'lí a siné rikáachi a ruyéka kere maa échi promotor de la comunidad, a'lí echiriká ko buyema mapu échi autoridades julama bilé unidad kiti tomea échi nayuami a bileana Unidad Médica.

Mapu reká anili échi Corte Interamericana de Derechos Humanos, échi derecho a la vida de la niñez kitira, échi estado ko 'wé 'niwa rewá obligación échi sineami ralamuli kitira, ayenacho wé 'niwi obligación mapu reká newama échi medidas de protección, mapu reká bela aní echo'ná articulo makoi kima jená Convencion Americana, echo'ná ko bela aní; "sineami kuruwi kó, 'wé bela 'niwi échi derecho ala protección, échi kuuchi niilia ká 'wé bela ti tibusia re tamóo ritemala kitira, a'li sineami ralamuli, a'lí échi estado si." Echiriká belá échi estado ko we a'lá nejeika isima ré, 'wé a'lá iwéra nejeika tibusia re a'lí a'lá 'natika nokisima re tibusia échi kuuchi. Ke belá chakena rewéka cho nokisima re échi umukí ropeami, a wé ku'írisa recho. Èchi sineami estados ko 'wé belá a nejeima re a'lí we bela a'lá tibusia re jepuná grupo, a'lí newama medidas especiales kiti a'lá tibusia échi 'múchi ochersiachi ropachí a'lí ranéachi, ayénacho mapu a'lí ma chí'í, a'lí kiti we a'lácho narema échi servicios de atención médica.

RECOMENDACIÓN:
MAKOI OKUÁ/ OKUÁ MILI MINÁ OSÁ MAKOI BIKIÁ
-MAKOI BIKIÁ-

Échi Victima okuá kitira ko, échi autoridad aníli, mapu chú rikó niwiiluru échi upaa consulta nutricional échi victima, échi ko belá niili échi naó enárachi, mecha junio, okua mili miná makói kima bamibáli, echijónsa bela ‘ma i’kiiru mapu ‘niwami niili desnutrición crónica, ké bela bilé jularu achecho bileana unidad nivel okuá, a ‘wé simirika a’la oniliachi, mapu reká aní échi Norma Oficial Mexicana NOM 031 SSA2 1999. Échi atención a la salud del niño kitira, kiti bela aminábi ‘wé nayuli a’lí ‘má arika mukuli.

Echiriká bela échi autoridad ko anili mapu “échi naó casos mapu riwiiru mapu reká a ‘wé tosá reweili owisia échi nayuami, a’lí mapu rika a wecho internarsa reweili echo’ná hospitalchi. Wé bela a’lá i’néiru échi suwaba ra’íchali échi Comité Jurisdiccional de Mortalidad Infantil kitira, a’la’nejeika mapu aní échi artículo usanisa makoi miná osá naó, échi Ley Estatal de Salud ‘níwala, **échiko bela anili mapu desnutrición infantil nayuka suwili**”

Kulipi anirúami kitira ko, échi autoridades del Estado de Chihuahua belá iyeri kariwá mapu ke a’lá nikurli, a’lí ke nejeika olala rewá échi derecho humano a la salud a’lí echi Victictima bilé, Victima okuá, Victima bikiá, Victima naoó, Victima malí, Victima usani a’lí Victima kichao ke suwisá reweila rewá, ke bela a’lá nejeika newala rewa échi detección, tratamiento a’lí rehabilitación, échi desnutrición infantil kitira, mapu riká echiriká nayuami niilami échi kuchi a’li kuruwi. Ke bela ala nejeami niili, a’lí ke simibami niili nijisia échi servicios médicos a’mí comunidad Choleachi, échi kiiti bela ke sapuka onitami niili échi unidades medicas kitira, kiti belá ariká we nayunali a’lí ‘má arika suwili.

VIOLACION ÉCHI DERECHO HUMANO MAPU REKÁ A’LÁ KANILIA PERELIPA

Jéna derecho humano a la salud ko ‘wé katewi bilé estrecha relación a jarecho derecho we nateami yua. Mapu kíiti bilé ralamuli ‘wé kanilika betelima ko, á bela naki mapu sineami namuti ‘wé ala niima kiti a’lá kanilika enábo. Mapu ni kulipi aní kitira kó, mapu reka a ‘ma ‘wé newarami ju échi análisis jéna raichali kitira, mapu riká échi Organismo Nacional Protector de Derechos Humanos nochami a wé simibika nokali narisia, aní mapu a wé niruili violación a los derechos humanos, ke bela a’lá kanilia pereili ralamuli, ke a’lá koa’ami niili, ke a’lá beneami a’lí ke niruili échi interés superior de la niñez kitira. A’lí jeriká bela aniwá:

Échi derecho humano mapu chú reka a’la kanilia perelipa ko bela aní, echo’ná artículo osà makoi miná malí, échi Declaracion makoi bilé, jéna Pacto de los Derechos Económicos Sociales a’lí Culturales; makoi okuá échi protocolo de San Salvador, a’lí osá makoi miná kichao échi Convencion de los Derechos del Niño; ayénacho echo’ná artículo bile, a’lí naó échi Constitucion Federal. Echo’ná ko bela aní mapu sineami ralamuli a ‘wé kanilia perelisa re retemuala yua, ke nayuka, we a’la kanilika, we a’lá ko’aká, a’lá sipuchika, a’lá kaliraka, a’lá ‘níwika asistencia médica a’lí a sineami servicios sociales a ‘wé ‘newalerami.

RECOMENDACIÓN:
MAKOI OKUÁ/OKUÁ MILI MNÁ OSÁ MAKOI BIKIÁ
-MAKOI NAÓ-

Jéna derecho mapu a 'wé kanilia perelipa ko, 'wé bela 'niwi garantía échi wiká derechos humanos kitira. Jipi ko bela ti e'neba échi derechos 'niwala contenidos, echo'ná ko bela aní chù reká we kanilia perélipa, a wé belá anícho mapu wikáka a'wé chá olarami niili jéna derechos humanos.

VIOLACION ÉCHI DERECHO HUMANO, A'LÁ KO'WÁMI KITIRA.

Jéna comité de Derechos Económicos Sociales a'lí Culturales, echo'ná observación general makoi okua, 'wé aní échi contenido normativo, echo'ná párrafos bilé a'lí okuá, échi artículo makoi bilé echo'ná Pacto Internacional de Derechos Económicos, sociales a'lí Culturales, a'lí echo'ná ko belá 'wé anícho " échi derecho mapu reká 'wé a'lá ko'wáami, échi kó belá ju mapu a'lí sí'neami rejoi, umukí a'lí towí maa, 'né bineli niraa a'lí a jarecho yua maa, a 'wé 'niwi échi acceso físico a'lí económico a 'wé sinibí échi a'lá ko'wáami, a'lí á chù riká a 'wé 'níwima cho.

Écho'ná Pacto Internacional de Derechos Económicos, Sociales a'lí Culturales (PIDESC), ayénacho bela wé aní echo'ná artículo makoi bilé, mapu " échi Estados, echo'ná Pacto, 'wé bela a machí échi derecho sineami pereami kitira, mapu reka we a'lá kanilia perelima aboi a'lí ayenacho échi retemala yua, ayenachò we a'lá ko'aká, a'lá sipuchika a'lí a'lá kalirli, a'lí a we sinibí minabi a'lá perelika.

Echo'ná artículo makoi okuá, échi protocolo de San Salvador, a belá aní échi Derecho a la alimentación kitira, jeri ká: sineami pereami belá a 'wé 'niwi échi Derecho a una nutrición adecuada, kiti echiriká ko 'wé kanilia 'niwima échi desarrollo físico a'lí a yenacho emocional ayénacho intelectual. Mapu reká 'wé a'lá niima ko jéna derecho a'lí kiti saeripa échi desnutrición, a 'wé ku a'lá newaba échi métodos de producción, a'lí chúrika a 'wé a'lá 'níwipa échi ko'waami, 'wé belá ná anibóa kiti kó a wa'lú nirulima échi cooperación internacional, mapu reká 'wé nirulima nikuriliami échi políticas nacionales kitira.

Pe chabé jonsa bela a wé niruili échi exclusión social, política a'lí económica aneliame. Ayenachó expropiación a'lí mapu reká 'wé bewé chikówami, echi jonsa belá échi poblo a'lí comunidad ralamuli wé simirika lochea peré a'lí wé 'niwika naulí desnutrición aneliame.

Aní bela échi Organización de las Naciones Unidas para la Agricultura a'lí échi alimentación, mapu échi alimentación ko 'wé a'lá nutritiva a'lí wé a'labé niima rewá, wé bela a'lá dignidad 'niwika niima rewá. Échi kiitibela aní mapu échi ralamuli we iwerika nokoká 'ama rewá échi ko'waami, kiti a'lá kanilika ko'mea échi sineami pereami. Ayenachó bela ani mapu ralamuli ke pé ko'wami nijirami buyea muchima, aboy bela a'la ku 'nochaka ko'mea rewá. Ayenachó bela aní mapu sí'néami ralamuli 'wé ralaká ko'ami jukó, 'wé bela sí nikurima rewá échi política newaa, kiti kó a ke karúa aneba japu a'lí 'wé ralá.

SÍNTESIS

RECOMENDACIÓN:
MAKOI OKUÁ/OKUÁ MILI MINÁ OSÁ MAKOI BIKIÁ
-MAKOI MALÍ-

A belá anícho mapu échi poblo a'lí échi comunidad indígena, a bela 'wé 'niwi derecho, mapu reká a sinibí 'wé ralimea cho natetika, mapu iki namuti ralináli, 'ne weká nira kere ma, a'lí pe okua nirá kere má, aboi be la i'kiika ralimea, mapu reká aboi a nokáami ju echo'ná tradiciones culturales, mapu aboi a peré. Kiti echiriká a wé 'niwima bile vida psíquica, individual, colectiva a'lí digna

Échi elementos mapu e'nesa reko échi a'lá ko'waami kitira ko jú:

- a) **Échi disponibilidad.** Échi ko'waami ko bela pe aboi a ku ichaká 'niwisa re, a'lí a we namuti jakami ma ralineika, mapu reká échi waasi. A'li ayénacho 'niwisa re échi ko'waami wé sirúka rochí, ayenacho 'wé siruka namuti kawichí énamí, ayenacho 'wíka namuti rakéami. Échi suwaba namuti ko 'wé ralineisa re echo'ná mercado a'lí comercio.
- b) **Échi accesibilidad.** A bela 'wécho a'lá garantizarsa re échi acceso económico a'lí físico échi ko'waami kitira. Échi si'neami ralamuli ko bela a wé nakiisa re mapu 'niwima échi ko'waami, kiti ko wé a'lá 'niwima échi dieta aneliame, ke waná reweká échi jarécho namúti 'newaleliwami, mapu reká ju échi matricula escolar, a'lí échi owáami. Échi accesibilidad física ko bela ju mapu échi si'néami ralamuli a ke 'mé nochali olaká 'niwisa re échi ko'waami, pe mulipi nirulisa ré. Ayenacho échi ralamuli mapu 'wé náa rekáachi pereami jú echiriká cho a 'niwisa re ko'wáami.

Wé bela a'la newása re échi derecho ala alimentación, échi ralamuli kitira, mapu ne 'wé mekabé pereami ju, mapu ne a'lá wika rawe nokoká siami ju a bileana mi. Á belá 'wé a'lá newása re buwee kiti a we a'lá nawama échi ko'waami amí mekabé, a bela wé a'lá newasa ré échi infraestructura, kiti ko wé a'lá siméa échi ko'waami echo'ná mercados, échi torokachi toká.

Mapu reká échi poblo indígena a'lí comunidades, mapu reká chabé ki'yawami nirá 'nataka pereko a bijí, mapu a aní a bijí, mapu échi bewé a'lí échi wasá, a'lí échi kawichí niruami bí jú mapu tamoo kówa. Ayénacho mapu a bijí aní mapu echirika bi ju échi dignidad ralamuli 'níwala.

Échi kitira kó bela échi artículo naósa makoi, échi Constitución de Chihuahua. Échi kó bela aní mapu échi kuruwi a'lí échi kuchi, mapu a wé 'niwi échi derecho kiti a wé a'lá ko'aká perelima a'lí we kanilika ke nayuka.

Mapu anili échi bilé ra'íchali médica. A belá anili mapu chú iki suwabami ju namuti ko'waami ralayá échi sineami comunidad indígena Choleachi pereami, pe belá okuaa nirá ralaami ju, ke bela seba wika ko'waami raliwá. Echiriká belá niili échi okua mili miná makoi kima bamíbachí ko. Échi kitira bela wé niruili echi naulí desnutrición infantil aneliame, écho'ná comunidad.

RECOMENDACIÓN:
MAKOI OKUÁ/ OKUÁ MILI MINÁ OSÁ MAKOI BIKIÁ
-MAKOI USÁNI-

A 'wécho bela aní jena'í, mapu ké aniiru mapu échi Gobierno del Estado de Chihuahua ke newali bilé política publica a'lí bilé programa social, mapu riká 'yama échi derecho a sineami pereami echo'ná comunidad Choleachi, mapu chú reká we a'lá ichiméa, a'lí mapu chu reka a'lá 'níwima ko'waami kiti a'lá ko'méa sineami pereami. Échi estado ko pé bela jare despensa nijiami níili siné rikaachi.

Échi kitira belá echo'ná pereami ralamuli 'wé nayuca pere échi desnutrición kitira, ('né bela kichaosa makoi usani porciento) jú échi kuchi a'lí échi kuruwi cho'ná comunidad pereami.

E'chi kitira bela a weká ju mapu naulú, jaré ko bela 'ma ke ku sa'wí echiriká nayusa. Kiti bela échi población ko a 'wé 'niwisa ré échi atención médica, kiti ke nirulima daños físicos, cognitivos e irreversibles a'lí kiti kú a'la níima échi sistema inmunológico, kiti ke a jarécho nayuntima. Échiko bela kú a'lá niima we a'lá ko'aká niisa.

Échi derecho ala educación (a'la beneliame)

Jéna derecho humano ala educacion ko bela aniká chukú, echo'ná articulo bikiá Constitucional, a'lí ayenachó echo'ná articulo osá makói miná usáni, echo'ná Declaracion Universal de Derechos Humanos, ayenachó makoi okuá échi Declaracion Americana de los Derechos del Hombre, ayenachó makoi bikiá échi Pacto Internacional de Derechos Economicos Sociales a'lí Culturales, a'lí ayenachó makoi bikiá échi Protocolo de San Salvador. Jepuná suwaba ko bela aní mapu sineami ralamuli a 'we 'niwi échi Derecho a la Educacion, echiriká kobelá 'wé a'lá wachinika énamí niima ba, ke karúa nokoká, ke namó olaká a jarecho ralamuli, mapu reká ko sineami a chopi rika nateami ju.

Echo'ná Ley General de Derechos Linguisticos de los Pueblos Indígenas, a'lí ayenachó Ley General de Educacion, a'lí échi Ley General de Niñas, Niños a'lí Adolescentes, á belá ayénacho amíwa mápu a wé 'niwima échi respeto de los derechos culturales a'lí linguisticos, échi poblo a'lí comunidad indígena su'má país niruami, ayenachó bela a 'wé benema échi educación bilingüe kitira, ayenachó 'wé i'kiima mapu wiká cultura nirú.

Échi estado kó 'wé iwerli olasa re, kiti échi kuchi, a'lí kuruwi a'lí re'malí a 'wé 'niwima échi servicios educativos. Mapu reká échi poblo a'lí comunidad ralamuli benealachi ko, 'wé bela benesa ree plurilingüe a'lí intercultural neraa, kiti a wé nurilima échi respeto, promoción, a'lí preservación del patrimonio histórico a'lí cultural.

Échi articulo naó neraa kó, échi Ley Estatal de Educacion de Chihuahua. Échi Estado, échi Autoridad Educativa Estatal niraa, a 'wé bela iwérika nijima re échi Servicios Educativos Preescolar, a'lí primaria, a'lí secundaria a sineami poblochi pereami.

SÍNTESIS

RECOMENDACIÓN:
MAKOI OKUÁ/ OKUÁ MILI MINÁ OSÁ MAKOI BIKIÁ
-MAKOI KICHÁO-

Mapu reká ke a'lá nokíiru échi salud kitira echo'ná comunidad Choleachi, mapu reká niili échi derecho ala alimentación, a'lí ayenachó échi acceso échi ba'wí ke chati kitirá. Echiriká ko, ké bela 'me a'lá kare, ke belá a'lá niima chó échi jarecho á derecho humano kitira echiriká níisa ko, mapu reká échi derecho a la educación.

Mapu reká bela má í'kiilirú, chú reka niili échi kuuchi kitira echo'ná comunidad indígena ralamuli Choleachi aneliachi, 'wé bela chá rekámi ju, mapu reká ke bilé nijirami niili échi atención a la salud, a'lí mapu re'ká échi educación kitira ké ta bilé cho a'lá ju. Echiriká ko bela ké bile a'lá mi 'niwa ré échi derecho, a'lí ke belá a'lá nirú échi desarrollo.

Mapu reká aní échi opinión psicológica newárami, échi maestro echo'ná comunidad beneriama kó, pe okuabi rawé nawáa rewá échi mechá nira benerimia, pe makoi mali porcientos vi bela beneria rewá, pé okúaa karewá échi kuuchi mapu bene. Échi kiiti bela ke bilé beneami jú échi kuuchi, a'lí échi wabé mekabé pereami wabé ke'me simia.

Jéna comunidad Choleachi ko, ábela 'niwí usanisa makoi rancherías, echikó sineami bela niruami jú a wé narikaachi, wabé belá mekabé jú, 'né belá simirika bilé hora nokoká siwaami jú wichí simibika, ké belá nirú toroka bowelá, échi Sitanachi belá ju ne mekabé niruami ko, ne belá naó hora isika jú wichí simiká ko. Échi kiti bela échi kuuchi echo'ná pereami kó we nochali olá simiba benemia echo'ná bilepi centro escolar, échiko belá wili 'né nasipa echo'ná comunidad Choleachi.

Mapu reká ke nirú échi recurso a'lí 'wé meká ju échi beneliachi échi Choleachi pereami kitira, échi kiti bela a jare kuuchi ko 'má ariká ké simiba benesia, pe ku machina sikuelachi jonsa.

Échi análisis, échi constancia kitira, mapu 'niwi échi expediente mapu aniká wi'nijiiru, ké belá bile kaseana ani mapu échi autoridades del Estado de Chihuahua a wé bayeli échi kuuchi, kiti a'lá sinibí enama benea, a'lí kiti a minabi a benema échi kuuchi echo'ná comunidad pereami, a'li ake bilécho a nawésaka nokali, a'lí échi salud nira keecho, a'lí échi a'lá ko'waami kitirá keecho.

Échi kiti bela échi educación échi víctimas kiti ko, 'wé bela a'lá atención humanitaria ása ré, a belá wecho niisa re mapu a wé 'niwima échi derecho.

Mapu kulipi ani kó, mapu reká aní mapu chú reká pereami jú échi comunidad Choleachi, 'wé bela ná olarami jú échi Derecho a la Educación, wé bela aní mapu échi autoridades del Estado de Chihuahua, ke belá bilé a'la aami niili nikuruwami mapu reká a'lá nijiba échi servicios educativos, mapu echo'ná Choleachi pereami 'newalé.

RECOMENDACIÓN:
MAKOI OKUÁ/ OKUÁ MILI MINÁ OSÁ MAKOI BIKIÁ
-MAKOI OSÁ NAÓ-

Échi Interés superior de la niñez

Mapu reká échi weká tratados internacionales, mapu México simi káre, échi kuuchi ko bela a wé a'lá 'newalesa reká rewá, mapu reká kechó makoi osa naó bamibami jú, 'ma simirika 'weeli niisa ko ma bela ke chiriká niima. Échi interés superior de la niñez kitirá ko a bela wé aní echo'ná artículos naó de la Constitución Federal, a'lí a wecho echo'ná makoi osa naó de la Ley General de Derechos de Niñas, Niños a'lí adolescentes. Echo'ná ko bela jeriká aní "échi su'máa mapu ra'ícha échi kúchi niraa, a'lí kuruwi niraa, a'lí ayenacho re'malí, mapu reká aní échi órganos jurisdiccionales, échi autoridades administrativas a'lí órganos legislativos, a bela we simirika nateami niraa niima échi interés superior de la niñez.

Échi Suprema Corte de Justicia de la Nación, a belá ani bilé criterio jurisprudencial kitira, mápu échi concepto del interés superior de la niñez , a wé belá i'kiisa re jeriká "échi catalogo de valores, a'lí principios, a'lí interpretaciones, a'lí acciones a'lí procesos, mapu a'lá newama ré échi desarrollo integral, a'lí kiti a'lá kanilia perelipa, kiti ayenacho échi kuuchi a 'wé kanilia perelima, a'lí si'neami mapu ikii peré wé kanilia perelima. Échi protección ko belá a 'we nawesa échi estado kitira, mapu reká ko a 'wé nóchami kami échi legislativa neraa, a'lí ejecutiva neraa, ayenachó judicial. Mapu reká échiko kámi bilé asunto de orden publico, a'lí interés social".

Mapu reká bela aní jéna pronunciamiento échi karúa nokorumi kitira ba, a belá checho 'wé aní mapu **échi comunidad indígena Choleachi pereami 'wé aweni a'lí wé risoarika pereami jú, échi kiti belá 'wé nirú échi inseguridad alimentaria a'lí desnutrición infantil**, kiti belá 'ne wé riká nayuami ju kuuchi, échi kiti belá échi autoridades del Estado de Chihuahua ko a wé iwerika nikurisa reweili, échi salud de la niñez kitira, a wé aboi i'kiika.

Échi kiti bela a wechó anisá re mapu échi Corte Interamericana de Derechos Humanos a wé karewili je aniká, " échi kuruwi indígenas mapu échi comunidad 'wé risoarikaachi pereami ju, a belá muchuwi mapu 'wé risoa mi oliwamti jú. A wé bela niru bilé obligación echiriká kiti kó, 'wé belá a'lá tibusa re échi kuruwi a'lí kuchi a sinibí rikaachi: nijíka raíchali a'lí newaká jaré procedimientos we a'lá, kiti a si'neami 'niwima échi asistencia letrada aneliame a'lí a jarecho raíchali ma, mapu aboi a wé 'newalé.

Échi kitira belá anisá re mapu échi interés superior de la niñez, mapu 'wé chukú echo'ná tamujé sistema jurídico nacional a'lí internacional, bilé belá obligación karwa échi autoridades kitira, wé belá a'lá aniká nokomea rewá échi kuuchi kitira, mapu reká échi kuuchi Choleachi pereami kitira. Má bela a wé i'kiiru mapu wé narikaachi pereami 'ju a'lí ke 'mé kuíruwami jú, kiti bela échi autoridades ko 'wé nochasa re echiriká kitira, a'lá i'kiika échi bamibali, sexo aneliame, a'lí e chú riká peré, mapu a'lí piri ma 'newaléma kitira.

SÍNTESIS

RECOMENDACIÓN:
MAKOI OKUÁ/ OKUÁ MILI MINÁ OSÁ MAKOI BIKIÁ
-MAKOI KÍMA –

Mapu reká aniirú échi oseruami bileana tablachi, pe makoi bikia bi kuuchi a'lá sébali beteáami karwa, osá naosa makoi bela niwiliru chú 'mé beteáami ká. Pé makoi kichao porciento bi 'wé a'lá jú, a'lí kichaosa makoi miná usani ko a 'wé 'niwi desnutrición aneliame, bikiasa makoi miná bilé kuchi a'lí kuruwi 'niwi desnutrición pe ke 'mé chati, a'lí osá makoi miná bilé pe a simirika chati, a'lí osá makoi ko ne wé nayuami ju, echirika belá ikiiru échi peso a'lí bamibali échi kuchi a'lí kuruwi kuuchi ke 'mé cho malí bamibami kitira

A belá aní mapu 'wé ná riká machinali échi kuuchi, a belá 'wé 'niwi echi naulí desnutrición aneliame, bikiasa makoi miná kima porciento belá peibí nayuami karwa, a'lí échi bikiasa makoi miná kichao porciento pe a 'wé simirika nayuami karwa, kiti bela echiriká i'kiiliwa mapu a 'wé nirú échi desnutrición infantil. A'lí échi kiiti bela a 'wé niwisa reka rewa echi atención medica multidisciplinaria kiti ke minabi chá ikimea daños físicos cognitivos kitira, kú a'lá newasa re echi sistema inmunológico, kiti echiriká ko ke a jarecho naulí na'chuma a'lí a minabi nayuma.

A wé cho bela a anisá re mapu jaré kuuchi ke bilé 'mé beteáami ju, a'lí a jarecho ko ke 'mé weli ocherami ju, pe kuurli jú. A belá i'kiiliru mapu pe makoi mali porciento bí ju échi kuuchi mapu a'lá ju, mapu iki bamibami jú a nira, a'lí échi osá naósa makoi miná malí porciento, ke bela 'mé a'lá ocherami ju, 'ma bela weká bamibami ju, najó ke 'weli ocherli, échiko bela 'niwi bile infección crónica, mapu reká ma'china echo'ná graficachi.

Echiriká riwisá bela a wé sapú nakiwá échi recursos médicos sistematizados, kiti a wé e'nemá échi prevención, detección, curación a'lí rehabilitación échi salud infantil kitira, kiti echiriká ko pe a ke'mé nayuma échi desnutrición kitira, kiti a'lá kanilika perelima sineami, a'lí sineami comunidad pereami.

Mapu reká ani jéna Organismo Nacional, a wé cho bela aní, mapu reká ma'chinali echo'ná historias clínicas pediátricas, weká bela namuti nirua rewá mapu ani piri olá echiyena nirú echi naulí échi kuuchi kuruwi a'lí kuchi mapu a'lá e'neeru, kimakoi belá niili échi kuuchi e'nerami, a'lí pe bilepi taa tewe a'lá ma'chinali échi peso a'lí talla kitira, a'lí a jaré ko wé bela 'niwi desnutrición crónica leve, moderada a'lí severa. Échirika bela aní echi peso, talla a'lí características clínicas.

Ayenacho bela a wé aní mapu a jarecho factores de riesgo nirú, mapu reká ke bilé 'alíwa rewa echi atención médica échi umukí ropeami, ké bela bile e'neliame ju, ke too échi atención prenatal aneliame, a'li ma ranaachi ko kecho, 'ma machí boíachi 'muchi kecho, bilé control échi muchi kulí nawaami kitira, kecho.

Mapu reká kulipi aní jena'í, échi autoridad mapu nijiami niili échi atención medica, ke belá a'lá nejeili échi Norma Oficial Mexicana NOM-007-SSA2-2016. 'Wé bela aní mapu ke a'lá ku'irili échi mukí we ropeachi, a'lí ma raneachi, ayenachó mapu a'lí 'ma ku sa'wí échi raneami, a'lí échi 'muchi kulí nawami kecho a'lá kuirli.

SÍNTESIS

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI-

A'lí échi Norma Oficial Mexicana NOM-031-SSA2-1999, échi atención a la salud del niño, á belá anicho mapu 'wé ra'íchama échi promoción kitira a'lí a wecho échi restauración de la salud, mapu reká échi prevención, a'lí échi control mapu reká échi ropeami a 'wé ala ke nayúka enáma, a'lí ayenacho échi parto kitira, a'lí urgencias obstétricas, a'lí prevención a'lí control échi witabuali naulí kitira, a'lí infección respiratoria agudas kitira, a'lí a yenacho échi control de desnutrición kitira, a'li echiriká ko bela 'wé a'lá e'nesima mapu a'lí 'má 'wé ochersimi échi kuchi a'lí kuruwi pe ke'mé chó malí bamibami, we belá ke nejeika ola rewá echi derecho échi poblacion, mapu reká a'lá narema echi atención digna, 'niwiami calidad, a'lí ayenacho echi pertinencia cultural, a'lí a wé a'lá nejeika échi autonomía aboi kú 'níwala.

Ayenacho mapu reka aní échi información historias clínicas, échi medidas adecuadas kitira niraa. Á bela anili échi kuuchi iyela mapu a 'wé tibuka onokáli échi kuuchi, pé bela chíirika koámi niili, kiti echiriká ko ke 'mé nayuma, kiti a wé iwerami niima échi naulí kitira; najó nalí échi ablactación aneliami ke sapú a'lá 'yarami niili échi kuuchi, a jeré raneami pe 'má naó a'lí ma usani micheami kaachi échi kuuchi 'ma belá áli échi ko'waami ke ko'sá reami échi kuuchi.

Ke belá echiriká ani échi Norma Oficial Mexicana NOM-031-SSA2-1999. Échi kó belá aní mapu échi atención a la salud del niño a'lí échi bibliografía médica, mapu échi ablactación aneliami ko ása ré 'ma naó a'lí usani micheachi échi kuuchi, wé belá ása re ko'waami 'wé 'niwiami échi nutrientes aneliami, mapu newarami ju échi hidrolizados de arroz kitira, sunú, frutas, verduras, a'lí sa'pá ba'wila maa. A belá aní mapu 'wé resoati niisuwa ká ke belá nirúlíma alé echiri ko'waami a'lí 'wé narikaachi ke boweachi betelsiwa keechó.

Échi vacunación niraa ko jeaní échi Norma Oficial Mexicana NOM-036-SSA2-2012, Prevencion a'lí control de enfermedades. Mapu reká échi vacuna bucheliame ko, a'lí toxoides, a'lí faboterápicos, mapu jú échi suero, ayenachó échi inmunoglobulinas, échi sineami pereami kitira. Á belá aní mapu échi naulí a 'wé vacunarsa reko, échi salud publica bela 'wé iwerika saersa re échi naulí, kiti ke 'mé ne chibiriká nayuma Mexico, echiriká belá a ku a'lá newaba échi población mexicana a wé nijika vacuna.

Sineami kuuchi bela a wé vacunarsa re, échi ko bela kuwaní mapu a'lí ma makoi okua mecheami jú, mapu a'lí ke 'mé omerali échi 'wenuala toká vacunaría, a bela a chécho a siné tosá re, kiti ko 'má naó bamibami makoi bile micheami kaachi a 'wécho bacunariwa a sineami poblacion, echiriká ko bela a 'wé iwerami niima échi salud publica. Kiti 'wé a'lá tibuka niima echi sineami población suceptible aneliami, a'lí échi mapu 'wémi nayuamti jú sumá país, mapu reká a jareana ko, ke 'mé echiriká nokowaami kere échi personal médico kitira. A jareana ácho ko ke bile olami ju échi cartilla de vacunación, ke bilé chó vacunartami peré, a'lí échi kiti bela jaré ke bilé chó 'niwami jú échi suwaba vacuna.

SÍNTESIS

**RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI BILÉ-**

Ayenachó aní échi habito de higiene aneliame kitira, mapu riká anila rewá échi kuuchi iyela aboi. A'lí jéna oseruami ko belá aní echo'ná historias clínicas pediátricas. Ké bela bilé nirua rewá échi medidas de prevención mapu reká sayerima échi desnutrición, naulí ro'sowali a'lí witabualiami. Échi bela jú 'ne 'wé nayutiami échi población infantil. Ayenachó aní mapu échi comunidad ke 'niwí luz eléctrica, jéna ko bela 'wé 'newalelíami jú, kiti ko échi kitira a 'wé a'lá ju katewalia échi ko'waami, kiti ke cha ikimea, a kecho 'niwi échi ba'wí potable, a'lí drenaje, a'lí witaalachi, a'lí ripua i'kosialachi. Ke belá bile benertami karewá échi higiene personal kitira.

Jepuná Organismo Nacional aníli mapu échi autoridades del Estado de Chihuahua ke a'lá tibuli échi derechos humanos de la niñez, ke bilé a'lá nateami niráli. Échi kiti belá aníru mapu kichao kuuchi suwila rewá, échi desnutrición infantil kitirá echo'ná comunidad Choleachi, echikuruámi kó niili okua mili miná makoi kima bamibali, a'lí okua mili miná osá makoi bamibali enarachi. Échi autoridades kitira ko ké belá a'lá ikíiliru áche nikuurila échi kitira, échi kuruwi a'lí échi kuchi nayuami kitira echo'ná comunidad. Ke belá bilé nejeili échi registro kitira, a'lí echi control, a'lí echi seguimiento échi desnutrición de la niñez indígena kitira, a'lí kecho namo nokáli mapu riká 'má ke'mé nirulima échiriká nayuliami, a belá a wé a nirú bijí échi naulí. Ma belá a wé i'kiili laro mapu a we chiriká jú.

Échi kiti belá échi autoridades del Estado de Chihuahua ke nejeili échi artículo naó échi Constitución 'níwala, a'lí bikiá échi Convencion sobre los Derechos del Niño 'níwala, ayenachó échi bilé punto miná bilé a'lí makoi kima échi Convencion Americana 'níwala.

c) KÚ A'LÁ NEWALÍAMI ÉCHI DAÑO

Kú a'lá newalíami échi sí'neami kitira.

Jéna Organismo Nacional kó, a wekaná oselichi e'neká mapu raicha échi Derechos de los Pueblos a'lí Comunidades indígenas kiti, mapu reká oserami uchúwi jéna Recomendación aneliame, a wé bela ane échi autoridades, mapu chú riká a wé ku a'lá akarewima échi mapu ikiirú, a'lí ayenachó échi victimas yua, a'lí ayenachó échi suwaba población indígena comunidad Choleachi pereami. A bela 'wé alíwa bilé instrumento recomentorio aneliame mapu chú rika ku olasa re échi jonsa kó:

- a) Nijulama rewa jaré interpretes a'lí traductoras linguisticas ralamuli raichami, kiti anisima chú aniwá.
- b) A wé nawesáma rewa, a'lí consultarma a'lí planearma a'lí ayenachó 'wé desarrollarma a wé a'lá aniká échi comunidad yua, ralamuli niraa raichaka, awé a'lá nateami niráka échi sistema médico tradicional, ayenachó mapu chu reká newaami ju échi organización social, económica, cultural a'lí política. Echiriká nokomea re a'lá nochanila ka.
- c) A wé cho nijisa re asesoría jurídica, mapu kiti a'lá sebáma échi medidas mapu nokonali aboi.

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI OKUÁ-

Mapu reká we a'lá sebama échi puntos recomendatorios, échi Gobierno Estatal de Chihuahua a'lí ayenachó Municipio de Guadalupe y Calvo, a wé bela newasa re échi acciones we a'lá nakurika a'lí interinstitucional niraa, a wé nikúriwami tanika a jarerecho autoridades, kiti a we nikurima, a wé natetika maa échi mapu nikura.

Mapu reká ju échi artículo bilé, échi Ley de Víctimas para el Estado de Chihuahua 'niwala, echikó bela aní mapu kú suwaba a'lá akarewipa, échi comunidad indígena ralamuli Choleachi pereami yua, échi kó bela 'wé 'niwami niili échi violaciones a derechos humanos, mapu reká aní jéna Recomendación:

Sineámi ká ku akarewiwami kó, ayenachó aní échi artículo osá makoi miná kicháo, fracción usani, mapu aní échi Ley General de Víctimas. Echikó bela aní mapu bilé derecho 'niwi échi mapu titulares ju bileana grupo, a'lí comunidad a'lí ayenacho organizaciones sociales, mapu a 'wé 'niwili échi violaciones a los derechos individuales a'lí colectivo, mapu a'lí échi karúa olarami ko niili a weka pereachi. Wé bela a'la ku akarewipa kiti a sineami a kilipi ku niraa ku a'la kanilima, a'lí echirika ku a'lá kanilia perelima sineami mapu risoa olarami niili. Échi protección a'lí promoción de los derechos échi comunidad wecho ku a'lá niisa niima.

Mapu reká bela ani jéna contexto multifactorial, mapu reká ke a'lá nejeiri échi víctimas, a'lí ayenacho mapu riká 'né wekabesa niruili échi violación de derechos humanos a si'néami pereami kitira, jéna Organismo Nacional belá a aní chú riká ku a'lá akarewisa re échi we karúa nokiruami, échi autoridades ko belá newama rewá bilé plan multidisciplinario integral aneliame, a'li échi reparación colectiva. Échi ko belá newama re bilé equipo multidisciplinario, (mapu reká bilé oniami médico aneliame, psicólogo, a'lí trabajo social, a'lí jurídico), kiti wé a'lá niima, 'né interinstitucional neraa, a'lá sineami nateami niraka, a'lí a'lá bile enfoque interseccionalidad si, échikó bela newába sineami Choleachi rejoami yua a'lá aniká, a wécho si animea chú riká niisa re, a wé a'lá ra'ichaka olaba échiko, kiti bela a 'wé nikurima échi jaré interpretes a'lí traductoras lingüísticas, a'lá we nateami niraka échi sistema medico tradicional, a'lí chú reká newaami aboi échi organización social, a'lí económica, a'lí cultural, a'lí política. A'lí echiriká wé a'lá sebárika nokoméa échi disponibilidad, a'lí échi accesibilidad, échi aceptabilidad a'lí calidad aneliame.

Échi plan aneliame ko bela 'wé 'níwima re mapu o'ná aní mapu a 'wé a'la kanilia perelima échi comunidad Choleachi, ku bela a'lá newama échi mapu reká a sineami ku a'lá kanilia perelima, kiti a 'wé a'lá 'niwima ko'waami, 'wé 'niwima beneliame, 'wé ku nateami niraba mapu chú reka nokoká pereami jú aboi echo'ná comunidad a'lí ayenacho chu reká minabi a'lá perelsima, mapu reka a wé sinibí 'níwima a bileana kalirli mapu simíbika ónima a siné rikaachi risoa nilisa. Ayenachó bela a wé nateami niraka niima échi características culturales a'lí échi ámbito cultural echo'ná comunidad niruami.

SÍNTESIS

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI BIKÁ-

Échi autoridades responsables mapu echiriká nokomea reko, usani bela mechá 'niwi mapu newama:

- a) Bilé censo, echiriká bela i'kiima kipi kuchi, a'lí kipi kuruwi peré echo'ná comunidad, a belá yenacho i'kiima bilé diagnostico newaká chú iyeri 'niwia échi estado de salud nutricional.
- b) Bilé disgnostico cho, mapu riká i'kiipa piri 'wé newalelíwa échi acceso colectivo a la salud kitira, a'lí échi ko'waami kitira, a'lí échi benelíami kitira, a'lí mapu a 'wé iwerima minabi mapu aboi nokoká peré echo'ná comunidad Choleachi.

Echiriká nokisá bachá ko bela a'lá niima échi planeación aneliame newaliwa, kiti a'lá niima échi recursos materiales a'li échi recursos humanos. Kiti echirika ko ku kilii a'lá niisima echi sineami victimas kitira.

'Má newása ko échi censo a'lí échi diagnóstico, échi plan aneliame ko belá a wé a'lá newasa re échi acciones:

- a) Échi derecho humano acceso a la salud kitira kó, 'wé belá ala nijiba échi atención médica, 'wé a'la sebarika, échi suwaba kuuchi mapu desnutrición 'niwi echo'ná Choleachi comunidad, echiriká bela ku 'má ke 'mé nayuma échi cho'ná pereami, a bela a sinibí 'niwima échi vigilancia del crecimiento a'lí desarrollo échi sineami kuchi, a'lí kuruwi ke 'me cho malí bamibami, a'li ayénachó échi prevención a'lí control échi witabuwali naulí kitira, ro'soali wécho, a'lí vacunación a'lí control de la nutrición kitira.
- b) Échi fortalecimiento de la cultura comunitaria échi comunidad Choleachi kitira ko bela jerika niisa re:
 - a) Wé bela a'lá natása re mapu a wé a'lá niisa re a nirulisa jaré promotoras indígenas comunitarias de la salud, 'wé a'lá benerisa bachá a'lí a wé natétika wenomí, échi ko bela anésima échi autoridades échi salud kitira.
 - b) A wécho bela a nateami niraba échi medicina tradicional, kiti ko a 'wécho'nati a ówika nokomea sineami comunidad pereami.

c) Échi ko'waami kitira ko, echo'ná plan 'wé a'lá animea échi medidas kiti échi comunidad Choleachi pereami a wé 'niwima échi recursos productivos aneliame, kiti echiriká ko a wé, nutritivo ko'mea a'li a sinibí a chirika bi olama.

d) Échi benelíami ko, a'lí mapu reká aní échi diagnostico, 'we bela nirulma échi a jaré medidas, echiriká bela sayeripa échi analfabetismo, a'lá ra'íchaka échi comunidad pereami yua, a'la nateami neraka mapu aní aboi echo'ná pereami chó, a'lá newaleka échi enfoque cultural a'lí linguistico, a'lá 'nátika chú reká nalí a'lá niisa re:

- a) mapu ré a nirulisa ka bile beneliachi comunitario, a belá a 'wé nijisa re recursos materiales a'lí humanos, kiti echiriká ko a wé a'lá niima. Ayenachó kiti a 'we simama echo'ná komunidad pereami.
- b) mapu re ke nirulisa ka bile beneliachi comunitario, a belá 'wé newasa re acciones échi autoridades mapu echiriká nóchami yúa, kiti a ya newabo a'li 'wé sapú a'lá niima.

SÍNTESIS

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI NAÓ-

e) Mapu reká ma a'lá niima ko échi comunidad Choleachi, a'lí mapu reká aní échi diagnostico, a bela wé newasa re échi acciones, kiti a wé kanilia perelima sineami, 'wé a'lá 'niwika échi dignidad.

Mapu ti 'má aní kitira bela a 'wé nijiba échi evidencias aneliame, ayenachó échi diagnostico, échi metodología, échi objetivos, a'li échi cronograma mapu o'ná newaarua échi plan multidisciplinario integral, a'li ayenacho échi reparaciones colectivas. Ayenachó échi prueba seguimiento de implementación kitira. Échi punto recomendatorio bikia a'lí naó kitira ko, ma bela a'lá sebarika aniboa alé, mapu a'lí ma newasuwa échi evaluación integral, échi newaliame, implementación a'lí seguimiento del Plan a'lí Programa.

I. Échi medidas de restitución

Japu aní échi artículo osá makoi miná kichao, fracción bilé, échi Ley General de Victimas, échi medidas ko belá ku 'wé nijinali mapu reká a ku kanilia perelima échi victimas va, kiti kó a wé 'niwami niili échi violación de los derechos humanos.

Echiriká bela échi autoridades responsables, 'wé napawika échi sistemas DIF estatal yua , a'lí municipal si, a'lí a wé cho nakurika échi sistemas locales de salud, a'lí mapu reká aní échi Plan multidisciplinario integral a'lí échi reparaciones colectivas, abelá 'wé newasa re échi gestiones administrativas kiti a 'wé 'yaba échi Centro de Salud echo'ná comunidad Choleachi, mapu reká échi instrumentos, a'lí equipo, a'lí owáami, a'lí bile kalirli oniliachi, a'lí echo'ná nochami personal médico, échiko belá a 'wé a'lá nijima échi accesibilidad, aceptabilidad, disponibilidad, a'lí 'wé a'labé servicio de salud. Wé bela a'lá nijima échi atención médica digna, simirika a'lá échi kuuchi kitira, échi umukí a'lí 'má 'wé ocherami ayenacho. Jéna ko bela sebarliame ju échi punto malí recomendatorio

II. Échi medidas de rehabilitación.

Mapu reká aní échi artículo osá makoi bilé, échi principios a'lí directrices kitira, échi instrumento mapu 'má aniruami jú, échi ku a'lá akarewiliame ko, échi rehabilitación aneliame, échi ko bela 'wé niji échi "atención médica a'lí psicológica, ayenachó échi servicios jurídicos a'lí sociales". Jéna ko bela a 'wé nikura mapu échi victimas a kilipi nira kú sa'wimea échi violaciones a los derechos humanos kitira, mapu reka 'wé karua oliiru.

A'lá ku nejeika mapu reká aní échi artículos osá makói miná kicháo, fracción okuá, fracción usanisa makoi miná okuá a'lí usanisa makói miná bikiá échi Ley General de Victimas; mapu reká nokiiru, mapu reká aní jéna Recomendación, échi autoridades responsables ko 'wé belá 'yama échi atención médica, a'lí psicológica, a'lí tanatológica échi victima indirectas, mapu reká ju Victima bilé, Victima okuá, Victima bikiá, Victima naó, Victima malí, Victima usáni, a'lí Victima kicháo, mapu reká a 'wé nakia ka mapu echiri ká niima a wé bela nijima rewá échi personal profesional especializado, (echikó 'wé 'niwami niima rewá echi títulos, a'lí diplomas a'lí constancias ma, mapu echiriká nochama kó) échiko bela nikurima rewá machiká kipo bamibami jú a'lí kipo rejoi a'lí umukí maa ju, échiko nikurima mapi ikilipi noká échi procedimiento aneliame, mapu ju échi defensa de los derechos de las victimas

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI MALÍ-

III. Échi medidas de compensación.

Échi medidas de compensación, mapu reká aní echo'ná artículos osá makoi miná kichao, fracción bikiá, a'lí usanisa makoi mina naó, a'lí 'né nawaká kichaosa makoi miná okuá, échi Ley General de Víctimas kitira. Écho ko bela ju ku a'lá newaliame échi chariká nokisuwa, mapu riká échi material kiti kere, a'lí inmaterial kere maa. Échi daño material kó mapu riká aní échi Corte Interamericana de Derechos Humanos, jerika belá aní échiko "mapu reká 'ne risoa niili échi víctimas, a'lí échi retemuala maa. Á belá ayenacho aní échi valores kitira mapu wé nateami niili échi víctimas kitira, mapu iki suwaali wenomi maa, a'lí mapu reká 'wé risoa niili échi víctimas a'lí retemuala maa.

Échi compensación ko bela wé ku a'lá nijisa ré kilii niraa, a'lá sineami anarika, kiti kó a wé ná riweili échi violación a los derechos humanos mapu reka 'wé resoa niili échi víctimas, a'lá machiká chu riká niili échi sineami casos. Jéna ko bela a we si niima échi perjuicios aneliame, a'lí risoa niliwami, a'lí ayenachó mapu iki namuti suwawiru toya échi nayuami, mapu reká échi daño moral, a'lí lucro cesante, a'lí pérdida de oportunidades, a'lí échi daños patrimoniales, ayénacho tratamiento médico a'lí terapéuticos, a'lí a jarecho namuti, échi hechos violatorios de derechos humanos kitira.

Échi kiti bela échi Gobernadora del Estado de Chihuahua, a'lí échi Presidente Municipal de Guadalupe y Calvo, we belá a nikurima échi tramite newaya a'mí Comision Ejecutiva de Atención a Víctimas échi Estado de Chihuahua, kiti 'wé 'níwima inscripción echo'ná Registro Estatal de Víctimas, échi víctimas indirectas kitira, mapu reká Víctima bilé, Víctima okuá, Víctima bikiá, Víctima naó, Víctima malí, Víctima usáni, Víctima kicháo kitira, wé aniká échi noticia de hechos, mapu newáma échi Comision Ejecutiva jéna Recomendación kitira, a wé bela acompañarma échi Formatos Unicos de Declaracion,

a'lí ma machinsa ka échi oseli dictamen aneliame, échi violaciones de derechos humanos nirá aniami, a'lí ma acreditadas kaachi, jepuná instrumento recomendatorio kitira, echiriká we sapu ku newába échi reparación integral échi daño kitira, we bela animéa chú reká ku natetipa, mapu reká aní échi Ley General de Víctimas a'lí échi Ley de Víctimas para el Estado de Chihuahua, échi kiti ko bela jéna Comision Nacional nijulama bile copia jéna Recomendación kitira a'mí Comision Ejecutiva, kiti 'ma wé animea chu reká niima. 'má echiriká nokosá ko a wé nijulaba jéna Organismo Nacional échi constancias mapu aní áche a'lá nokiira. Échiriká ko bela a nejeika nokoboa échi punto Recomendatorio bilé.

IV. Échi Medidas mapu reká 'ma ke che echiriká nokoboa.

Mapu reká aní échi artículos kichaosa makoi naó, fracciones kichao a'lí kímakoi, a'lí osá makoi miná kichao fracción mali, échi Ley General de Víctimas aniala, jéna medidas de no repetición ko belá 'amí mapu jéna violación de los derechos, mapu reká échi víctimas resoa niili, 'ma ke che siné chiriká niima.

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI USÁNI-

Échi autoridades recomendadas ko, a bilepi niraa, a'lí ke'me simerika usani michá, a'lí ma nejeisa jéna Recomendación, a bela 'wé 'niwima bilé curso integral, échi capacitación a'lí formación, échi derechos humanos niraa. A'lí échi direcciones, áreas a'lí unidades de la secretaría de Salud, a'lí échi municipio de Guadalupe y Calvo, a wé belá nijima échi atención echo'ná Comunidad Choleachi, Chihuahua, échi derechos humanos de acceso a la salud kitira, ayenachó mapu chú reká 'wé kanilia perelipa, a'lí beneliame wécho, a'lí wé a'lá ko'wáami ácho, a'lí échi interés superior de la niñez kitira a wécho. A wé nateami niraka échi accesibilidad, aceptabilidad, disponibilidad a'lí calidad. Ayenacho chukuméa échi observancia a'lí contenido échi Normas Oficiales Mexicanas kitira, a'lí échi Guía de Practica Clinica kitira, mapu reká uchúwi jena'í Recomendación; echiriká bela niima mapu reká machiboa, ayenacho saétipa, ónipa, a'lí ku a'lá newaba échi desnutrición infantil, a'lí ayénacho échi estándares échi derechos humanos benetami jéna Recomendación.

Échi cursos de capacitación nijima échi personal calificado, 'wé especializado, a'lí a wé machiami échi derechos humanos niraa, 'wé bela nijiba échi sensibilizar aneliame, wé belá a chapimea mapu benée ko. A bela 'wé aniboacho sineami cursochi, mapu jéna curso ko nijiliwa jéna Recomendación nejewia.

Jéna curso kitira ko belá a wé nijiba evidencias, a wé uchuchika échi programas, a'lí objetivos, a'lí currículos échi mapu curso nijima re 'niwala, ayenachó lista de asistencia, a'lí videos a'lí constancias. Échiko bela a 'wé uchuma echo'na electrónica niraa, a'lí ayenacho en línea, kiti a wé e'nema mapu echirika e'nenali kó.

Échi kiti belá jéna Comision Nacional de los Derechos Humanos newali jeriká aniami:

D. ÉCHI RECOMENDACIONES

Échi Gobernadora Constitucional del Estado de Chihuahua a'lí échi Presidente Municipal de Guadalupe y Calvo, a wé napawíka.

BILE. Nikurima newaa échi tramite echo'ná Comision Ejecutiva de Atencion a Victimas, échi victima indirecta kitira Victima bilé,Victima okuá,Victima bikiá,Victima naó,Victima malí,Victima usáni a'lí Victima kicháo, échi noticia de hechos kitira, mapu newáma re échi Comisión Ejecutiva, jéna Recomendación kitira, échiko belá 'wé 'niwima échi Formatos Unicos de Declaracion, a'lí jéna 'má anisá ko échi dictamen échi violaciones de los derechos humanos nirá aní kitira a'lí acreditadas jena instrumento recomentatorio kitira, 'wé sapu belá ku newaba échi reparación integral kitira, a'lí échi daño a las victimas indirectas Victima bilé,Victima okuá,Victima bikiá,Victima naó,Victima malí,Victima usáni a'lí Victima kicháo, echo'na bela a 'wé cho animea echi medidas de compensación, mapu reká aní échi Ley General de Victimas, a'lí échi Ley de Victimas para el Estado de Chihuahua, a'lí nijulaba jéna Comision Nacional, échi constancias mapu aní mapu 'ma a'lá nejeitami jú.

RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI KICHAO-

OKUÁ: Nijíba échi atención medica, a'lí psicológica a'lí tanatológica échi victimas indirectas, Victima bilé, Victima okuá, Victima bikiá, Victima naó, Victima malí, Victima usáni a'lí Victima kicháo, jepu re a 'wé nakiaka echiriká, a belá wé nijima échi personal especializado (mapu a 'wé 'níwami jú échi títulos, a'lí diplomas, a'lí constancias con valor curricular), échiko bela 'yaba i'kiika kipo bamibá, a'lí especificidades culturales a'lí genero. A wé sinibi chirika niima, mapu iyena anacha échi procedimientos, kiti a wé 'niwima échi competencias para la defensa de los derechos de las victimas; ayenacho 'yaba échi owáami a 'wé 'newalesa kó. Échi atención ko belá que namúti nateami niima, a'lí we sapuka nijiba a bileana mapu o'na a sineami omera simiba, aboi a animea mapu a we simanali echo'ná. 'ma chiriká niisa ko a bela nijulaba jéna Organismo Nacional, échi constancias mapu o'ná ani mapu a chiriká nokiirú

BIKIÁ. Newási usani mecha simirisa, a'lí ma nejeisa jéna Recomendación:

- a) Bilé censo kulíwami, kiti machiboa kipi kuchi, a'lí kipi kuruwi peré echo'ná comunidad, a'lí ayenachó bilé diagnóstico échi estado de salud nutricional niraa, mapu chú iyeri ju.
- b) A'lí a bilecho diagnóstico mapu aní piri 'newalelíwa échi acceso colectivo a la salud niraa, ayenachó échi seguridad alimentaria, a'li échi benelíami, a'lí echi fortalecimiento de la identidad cultural echo'na comunidad Choleachi niruami. Jéna Organismo Nacional belá nijiba échi constancias, mapu aní mapu a echirika nokíiru.

NAÓ. Ma a'lá machisá ko chu aní échi censo, sineami ká nakurika anisí, a'lí newasi, a'lí a'la machisí a'lí 'wé najátisi échi bilé Plan multidisciplinario integral, a'lí échi reparaciones colectivas si, échi acceso colectivo a la salud kitira, a'lí a wé a'lá ko'wáami, a'lí échi benelíami, a'lí échi fortalecimiento a la identidad cultural échi comunidad, a'lí a chú reká a wé kanilia perelima. A wé nejeika échi términos mapu aní echo'ná medidas de reparación colectiva jéna oseli Recomendación, échi comunidad Choleachi niruami. A we bela nijiba jéna Organismo Nacional mapu a we chiriká nokíiru.

MALÍ. We a'lá aniká échi sistemas DIF estatal a'lí municipal yua, a'lí a wé nakurika échi sistemas locales de salud yua, a'lí mapu reká aní échi Plan multidisciplinario integral a'lí reparaciones colectivas, a belá 'wé newaba échi gestiones administrativas, kiti a we 'yaba échi comunidad Choleachi, échi instrumentos, a'lí equipo, a'lí owáami, bilé kalí óniliachi, a'lí oniami, échiko bela wé a'lá nijima accesibilida, aceptabilidad, disponibilidad, a'lí wé a'lá oniami niima. Échiko bela a wécho nijima atención médica digna, mapu reká échi sineami kuuchi, échi umukí, a'lí échi 'má ocheerami: a bela wé nijiba jéna organismo Nacional échi constancias mapu aní mapu a wé chiriká nokíiru.

**RECOMENDACIÓN:
MAKOI OKUÁ/OKUA MILI MINÁ OSÁ MAKOI BIKIA
-OSÁ MAKOI OSÁ NAÓ-**

USANI. Awéni nira, newasi a'lí olasi ke me simárika usani mechá, 'ma nejeisa mapu aní jéna Recomendación, bilé curso integral, échi capacitación a'lí formación, échi derechos humanos kitira a sineami mapu 'nochami jú echo'ná direcciones, áreas a'lí unidades de la secretaria de salud a'lí échi Municipio de Guadalupe y Calvo, échiko belá nijima atención echo'ná comunidad Choleachi, Chihuahua, échi derechos humanos kitira, mapu reká ju acceso ala salud, ala vida, a'lí wé kanilia pereiliami, beneliame, wé a'lá ko'waami, ayenachó échi interés superior de la niñez, mapu reká a wé 'newalé échi principios de accesibilidad, aceptabilidad, disponibilidad a'lí calidad , a'lí ayenacho échi observancia aneliame a'lí échi mapu reká aní échi Normas Oficiales Mexicanas, a'lí échi Guia de Practica Clinica, mapu reká aní jéna Recomendación. Echiriká ko belá we machiboa, saétipa, ónipa a'lí ku a'lá newaba échi desnutrición infantil, a'lí ayenachó échi estándares échi derechos humanos, mapu reká ani jéna Recomendación. Echiriká aniwaami ko bela 'wé a'lá niima kiti a we nikurima kita a checho ke chiriká niima a jareanachó. Échi curso ko bela nijima échi personal mapu a'lá calificado jú, a'lí mapu a'wé machiami jú échi derechos humanos kitira, mapu reká 'wé si animea échi programas, a'lí objetivos, a'lí currículos échi mapu nijima re curso 'níwala, ayénacho échi lista de asistencia, videos a'lí constancia. 'má echiriká nokosaa ka 'ma nijulaba jéna Organismo Nacional échi pruebas mapu ani mapu a'lá echiriká nokiiru.

KICHÁO. Welába a'lí aneba échi servidora pública wa'lú wiliame mapu enlace niima re jéna Comision Nacional yua, kiti a toméa échi seguimiento kiti a'lá nejeipa jéna Recomendación, a'lí mapureka sustituida niisa ka, 'wé nijulaba notificación jéna Organismo Nacional.